



Broj: 10-34-1-1595-12/23  
Sarajevo, 23.10.2023. godine

Na osnovu člana 8. Zakona o radu u institucijama Bosne i Hercegovine („Službeni glasnik BiH, broj: 24/04, 7/05, 48/05, 60/10, 32/13 i 93/17), Uputstva o postupku prijema zaposlenika u Ministarstvu odbrane BiH i civilnih lica na službi u Oružanim snagama BiH, broj: 10-02-3-2145-23/19 od 30.12.2019. godine i Odluke ministra odbrane o raspisivanju javnog oglasa za popunu upražnjenih radnih mjesta zaposlenika u Ministarstvu odbrane BiH i civilnih lica na službi u Oružanim snagama Bosne i Hercegovine, broj: 10-34-1-1595-3/23 od 26.09.2023. godine Ministarstvo odbrane Bosne i Hercegovine, objavljuje:

**ISPRAVKU JAVNOG OGLASA**  
**za popunu upražnjenih radnih mjesta zaposlenika u Ministarstvu odbrane BiH**  
**i civilnih lica na službi u Oružanim snagama BiH**

U Javnom oglasu za popunu upražnjenih radnih mjesta zaposlenika u Ministarstvu odbrane BiH i civilnih lica na službi u Oružanim snagama Bosne i Hercegovine, broj: 10-34-1-1595-3/23 od 26.09.2023. godine, na službenoj internet stranici Ministarstva odbrane Bosne i Hercegovine, vrši se ispravka tako što se nazivi, opisi radnih zadataka i posebni uslovi za radna mjesta 1/14 i 1/33 mijenjaju i glase:

- **1/14 Stručni savjetnik – tehnički inspektor za motor**

**Opis radnih zadataka:** Učestvuje i prati provođenje važećih regulativa kod održavanja; kontrola i praćenje radnog i vremenskog resursa zrakoplova i pripadajućih agregata, kao i pojedinih vitalnih dijelova i sklopova; razvija i održava bazu podataka svih većih komponenata koje treba zamijeniti na osnovu operativnih sati zrakoplova; pruža tehničku asistenciju posadama održavanja dodijeljenim za misije izvlačenja kod prizemljenih zrakoplova; izvodi preglede zrakoplova u početku, u toku i pri kraju faznog pregleda ili u toku većih poslova održavanja i izvještava oficira kontrole proizvodnje o napretku i kvalitetu izvedenih poslova; koordinira sa sekcijom kontrole proizvodnje i sa supervizorom održavanja da se osigura prisustvo tehničkog inspektora kako bi se smanjilo vrijeme mirovanja zrakoplova; vrši pregled komponenti i podsklopova koji se uobičajeno koriste, prije početka faznog pregleda, kako bi se smanjio vremenski rok završetka faznog pregleda; uspostavlja program prevencije korozije za sve zrakoplove; obavlja i druge poslove po naređenju pretpostavljenog, a za svoj rad odgovoran je pretpostavljenom.

**Posebni uslovi:** VSS, (Mašinski fakultet); poznavanje rada na računaru; 3 (tri) godine radnog iskustva na istim ili sličnim poslovima.

Status: Zaposlenik (civilno lice na službi u OS BiH)

Broj izvršilaca: jedan (1)

Mjesto rada: Sarajevo

Radni odnos: neodređeno vrijeme

- **1/33 Kuhar**

**Opis radnih zadataka:** Organizira i preuzima namirnice za pripremu obroka i vrši završnu obradu namirnica za pripremu jela; priprema jelo prema proračunu brojnog stanja, meniju i važećim recepturama za pripremu jela; dijeli pripremljene obroke hrane na liniji za podjelu hrane; stara se da se sa namirnicama i pripremljenim jelom rukuje higijenski, od prijema namirnica do podjele gotovog obroka hrane krajnjem abonentu; vrši uslugu posluživanja pića i hrane; posluživanja alkoholnih i bezalkoholnih pića; vodi računa o ličnoj higijeni i zdravlju, kao i o besprijekornoj higijeni svog radnog prostora; poštuje mjere zaštite na radu i pravilno rukuje svim kuhinjskim mašinama za prethodnu i termičku obradu namirnica; odgovoran je za kvalitet hrane koju priprema; obavlja i druge poslove po naređenju pretpostavljenog, a za svoj rad odgovoran je pretpostavljenom.

**Posebni uvjeti:** Završena, SSS, III stepen, (KV-ugostiteljskog smjera); 6 (šest) mjeseci radnog iskustva na istim ili sličnim poslovima.

Status: Zaposlenik (civilno lice na službi u OS BiH)

Broj izvršilaca: jedan (1)

Mjesto rada: Travnika

Radni odnos: neodređeno vrijeme”

U preostalom dijelu Javni oglas ostaje nepromijenjen.

**Dostavljeno:**

- Uredu za odnose s javnošću MO BiH,
- Sektor za upravljanje personalom,
- a/a.

**MINISTAR**

**Zukan Helez**